



CONTRARIO NA LOKE A WORDO PRIMINTI PA GOBIERNO, PODER DI COMPRA TA KEDA BAY ATRAS!

Tanto Banco Central como Centraal Bureau
Statistiek ta confirma esaki!



“AGRIFUND” TA DUNANDO EMPUHE REAL NA SECTOR PRIMARIO Y TA FORTIFICA SEGURIDAD ALIMENTICIO DI ARUBA



AVB TA SOSTENE E INICIATIVA “DAKOTA IN BLUE” DI S.V. DAKOTA, 131 ARUBA Y N.V. ELMAR DEN LUNA DI HUBENTUD



ARUBAANSE VOETBAL BOND (AVB)

AVB TA SOSTENE E INICIATIVA “DAKOTA IN BLUE” DI S.V. DAKOTA, 131 ARUBA Y N.V. ELMAR DEN LUNA DI HUBENTUD

Oranjestad, Aruba — Arubaanse Voetbal Bond (AVB) ta orguyoso di por forma parti di e campaña ‘Dakota in Blue’ den temporada di hubentud den luna di november, un iniciativa presenta pa S.V. Dakota, 131 Aruba y N.V. ELMAR. E proyecto aki ta un ehempel fuerte di con deporte hunto cu organisacionnan local y social por uni forsa pa crea un impacto positivo den nos comunidad, specialmente pa nos hubentud.

E temporada di hubentud ta un periodo crucial di desaroyo y crecimiento. Durante e temporada aki, nos hobennan mester di sosten, guia y atencion di nos adultonan — incluyendo cuido pa nan salud mental. E campaña ‘Dakota in Blue’ ta enfatisa e importancia di salud mental, specialmente entre hobennan masculino, mirando datos di estudio y literatura Internacional, unda ta indica cu principalmente hende homber tin mas dificultad pa busca ayudo pa problemanan di salud mental. Un tema cu AVB ta considera esencial pa e futuro di futbol y bienestar di nos hobennan.

Como parti di e iniciativa, S.V. Dakota lo cambia su color tradicional geel cu preto pa e color



blauw durante e luna di november. E cambio simbolico aki ta un gesto di union y conscientisacion, caminda tanto e ekiponan di Division Honor como U20 lo hunga cu e uniform blauw — representando speransa, sosten y salud mental.

E uniformnan lo ilustra e logonan di 131 Aruba hunto cu N.V. ELMAR en celebracion cu su 75 aniversario. Hunto e organisacionan kier conscientisa e comunidad di Aruba tocante e importancia di salud mental.

AVB ta felicita S.V. Dakota pa e compromiso di bira



un vocero visual den e tema tan importante di salud mental. Nos ta reconoce cu deporte tin un papel esencial den forma caracter, disciplina y

resiliencia, y pa logra esaki bienestar di salud mental ta fundamental.

AVB ta stimula comunidad di futbol pa sigui e ehempel aki y pa continua promove

un cultura di sosten, empatia y respet “on and off the field”.

Un comunidad fuerte ta cuminsa cu bienestar — mental den union.

ALTOCOMISARIO DI HULANDA JANNY KNOL CERCA MINISTER DI HUSTICIA



E siman aki a ricibi e Alto Comisario di Polis di Hulanda na Aruba. Ta trata di Janny Knol y su delegacion cu a realiza un biahe corto pero di sumo importancia pa cu e relacion estrecho cu kier sigui manete entre e dos

cuerponan di polis.

Minister Arthur Dowers a ricibi e altocomisario na su ministerio, caminda a hiba diferente combersacion, entre otro riba desaroyo y colaboracion entre Korps Politie Aruba y Hulanda.

Ademas di su encuentro cu Minister di Husticia, e altocomisario a efectua bishita tambe cerca Procurador General di Aruba, como tambe Warda di Polis Oranjestad, Sta. Cruz y Strandpolitie.



AFGESTUDEERD AAN DE UNIVERSITEIT VAN ARUBA, CRISTIE FAMKE CANNINGA

ORANJESTAD - Op vrijdag, 31 oktober, 2025, verdedigde Cristie Famke Canninga haar Masterscriptie aan de Faculteit der Rechtsgeleerdheid bij de Universiteit van Aruba met als onderwerp:

“Data Sovereignty at Risk.”

De examencommissie bestond uit de leden: mr. dr. Chun Luk

prof. dr. Hildegard S c h n e i d e r De Universiteit van vertegenwoordigd door Aruba feliciteert Cristie mw. mr. Brechtje Huiskes Famke Canninga van harte prof. mr. dr. Evert met het behaalde resultaat.



SOLODIPUEBLO@GMAIL.COM
CEL. 585 9500



MAYORNAN, DICON SCOGÉ PA INSCRIBI BO YIU NA UN SCOL DI SKOA?

Oranjestad, Aruba: SKOA ta e instituto di educacion di mas grandi na Aruba y nos ta keda enfoca ariba e desaroyo y crecimiento di tur nos muchanan. Pesey nos ta boga pa keda brinda educacion di calidad pa asina prepara nos muchanan pa un bon futuro. Ademas, bo tabata sa cu e curiculo di kleuter di SKOA ta multilingual y ta cubri mas di 20 diferente area di desaroyo? Esaki ta beneficia nos muchanan cu un base fuerte den lenguahe cu ta un ventaha pa nan trayecto di educacion.

Manera tur aña SKOA a cuminsa cu inscripcion pa tur mucha cu ta bay haci 4 aña den e proximo lunanan. Mayornan cu ta desea pa nan yiunan bay un scol di SKOA por cuminsa cu e proceso di inscripcion mas pronto cu ta posibel pa asina segura un luga pa e proximo aña escolar.

Mayornan cu inscribi nan yiu ta haya un periodo di 6 siman pa asina por cumpli cu e pago completo di schoolgeld pa e aña escolar venidero. Despues di 6 siman, si e pago no ta completo, e cupo di inscripcion ta wordo cancela cu consecuencia cu no lo bay tin un luga segura na un scol pa e yiu por cuminsa kleuter e proximo aña escolar.

Pa pregunta of informacion tocante inscripcion na SKOA por manda un email na aplicacion@skoa.aw of manda un WhatsApp na +297 7485995. Mayornan cu ta desea por pasa libremente na nos oficina pa inscripcion.

Pacualkier otro pregunta of informacion tocante inscripcion en general na SKOA por bishita nos website www.skoa.aw of por yama na liña directo 5231800.

Con pa inscribi na SKOA?

☐ Pa mayornan cu no tin yiu inscribi na SKOA, por inscribi pa kleuter via nos website www.skoa.aw completamente online.

Ora di haci inscripcion mester pone bon atencion ariba e documentonan cu ta necesario pa asina por cumpli cu e proceso di inscripcion di bo yiu.




A.C.P. PA MUCHA A YEGA BIBLIOTECA HUBENIL

Nos a ricibi un buki special pa mucha. Un buki pa mucha tocante temanan importante manera Aruba su formacion, su flora, su fauna, su historia, hendenan y industria, su cultura, turismo y sostenibilidad. Esaki ta un produccion di team di Aruba Excellence Foundation cu ta consisti di Giovanni de Windt, Melissa Robert, Susana Romero y Sharenda Clarinda. Ilustracion ta di Yohandy Larmonie.

A.C.P. pa mucha ta un produccion masha bunita mes pa tur mucha na Aruba. E siman aki Giovanni de Windt & Melissa Robert ta duna presentacion di nos Flora y Fauna y mas topico na scol den cuadro di Festival di Buki pa Mucha 2025. Meta ta pa ekipa mucha rond Aruba cu informacion importante di nos isla.

Produccion ta den partnership cu Aruba Tourism Authority (ATA), Museo Arqueologico Nacional Aruba (MANA), Aruba Conservation Foundation (ACF) y Archivo Nacional Aruba (ANA).

Aruba Excellence Foundation a wordo institui door di Aruba Tourism Authority (ATA) na aña 2018 y ta e fundacion encarga pa entre otro ehecuta e Aruba Certification Program




(A.C.P.).

E mision y obhetivo principal di Aruba Excellence Foundation

ta, pa stimula y desaroya programanan di entrenamiento cu ta enfoca pa ofrece informacion

corecto y consistente tocante Aruba.
h t t p s : / / w w w . bibliotecanacional.aw/

pages/aruba-excellence-foundation-ta-participa-na-nos-festival-di-buki-pa-mucha/



Parlamentario Dangui Oduber:

CONTRARIO NA LOKE A WORDO PRIMINTI PA GOBIERNO, PODER DI COMPRA TA KEDA BAY ATRAS!

Tanto Banco Central como Centraal Bureau Statistiek ta confirma esaki!



ORANJESTAD – Mas dia pasa mas ta bira obvio cu e gobierno di Avp-Futuro a gaña tur hende y tuma tur hende haci. Ambos partido tanto AVP como Futuro a hiba un campaña cu nan lo mehora poder di compra, reduci costo di bida, percura pa no tin inflacion y percura pa tur prijs na Aruba baha. Geoffrey Wever te hasta a bisa cu frigidarienan na Aruba ta bashi y cu partido Futuro lo percura pa yena e frigidarienan bek. Awe despues di 8 luna di gobernacion e realidad ta otro. Awe tin inflacion, no tin caminda mas pa pueblo sconde pa sla di prijs di Geoffrey Wever y Gabinete AVP-Futuro. Prijs di coriente NO a baha, prijs di awa NO a baha, prijs di gas a subi danki na Geoffrey Wever y prijs di comestibles ta mas halto cu nunca. Placa no ta yega y frigidarienan a bira

mas bashi cu aña pasa.

No ta nos ta bisa esaki si no esaki a wordo confirma pa banco central por medio di un survey cu a wordo haci pa nan. Nada menos cu 88% di consumidornan Arubano ta bisa cu nan por compra menos cu seis luna pasa. Esaki ta sali for di e ultimo Consumer Confidence Survey di Banco Central di Aruba (CBA) pa e segundo cuartal di 2025. Banda di Banco Central, Centrale Bureau Statistiek (CBS) tambe a indica cu den luna di September 2025 e poder di compra a bay drasticamente atras compara cu aña pasa September 2024.

E poder di compra na Aruba ta bao mas presion cu nunca. Segun e mas reciente rapport di Centraal Bureau Statistiek (CBS), ta resulta cu den september 2025, hogarnan mester di hopi mas placa pa por sobrevivi e luna compara cu un aña pasa. Especialmente famianan y personanan cu entrada abou ta sinti e presion cada bes mas fuerte.

Un famia promedio tin mester di 6.622 florin den September 2025 pa cubri e necesidadnan basico. Pa un persona so, e montante ta 3.204 florin den September 2025. Den september 2024 esakinan



tawata 6.109 florin y 2.944 florin respectivamente. Esaki ta representa un aumento anual di mas cu ocho por ciento (8%). Esaki ta wordo causa pa un aumento explosivo di prijsnan di comestiblesnan, netamente loke nos ta bin ta señalando pa varios luna. Anto esaki ta un gobierno cu a priminti cu nan lo mehora poder di compra y costo di bida lo baha.

Awe despues di 8 luna e realidad ta otro. Hendenan no tin placa pa gasta, tin inflacion, tin aumento di gasto pa famianan y

no tin confiansa den nos economia. Awe un tin caminda pa sconde pa prijs mas na Aruba. E situacion no a bira mihor manera a ser priminti y es mas e situacion a bira peor. Unda cu bo bira tin aumento di prijsnan explosivo. Ningun prijs na Aruba a baha, costo di bida no a ser mehora y poder di compra ta keda bai atras.

Minister Geoffrey Wever a bisa cu e ta traha riba un “koopkrachtmodel” pa mehora e poder di compra pero pueblo si no tin pasenshi mas pa warda ki dia e modelo

aki lo keda cla. Tur dia pueblo ta sinti efectonan di prijsnan na Aruba. Tarifa di awa no a baha, tarifa di coriente no a baha, prijs di gasoline NO a baha, prijs di diesel no a baha y no papia mes di prijsnan den supermercadonan. Kico Gobierno ta bay haci pa alivia pueblo anto?



Exterior di Reino
Hulandes: [https://www.
nederlandwereldwijd.nl/
reisadvies](https://www.nederlandwereldwijd.nl/reisadvies).

ARUBA BANK TA DUNA UN DESPEDIDA CARIÑOSO NA ZAHIRA

Despues di 24 aña di servicio dedica

Oranjestad – 06 di November 2025 – Aruba Bank ta celebra e carera di Zahira, cu a retira despues di 24 aña di lealtad y dedicacion na e organisacion.

Durante su tempo na Aruba Bank, Zahira a bira un miembro aprecia di e famia di Aruba Bank, conoci pa su profesionalismo, compromiso y spirito positivo cu a inspira su coleganan.

Den su mensahe di despedida, Zahira a expresa su gradicimento pa tur e experiencia bunita durante e aña cu a traha na Aruba Bank.

Ela a duna danki na e Management Team, Departamento di Recurso Humano y su Departamento di



Compliance pa su apoyo y bon ambiente di trabou.

un “goodbye”, sino un “see you later.”

Aruba Bank ta expresa su gradicimento na Zahira pa tur e aña di servicio y dedicacion.

Nos ta desea hende salud, felicidad y pas den e nobo etapa di su bida.

Ela a bisa cu esaki no ta Management Team di



MINISTER WEVER TA REUNI CU UNITED FARMERS ARUBA Y HUNTO LO TRAHA PA CREA UN SECTOR AGRICOLA FUERTE

Oranjestad, 16 october 2025 – Minister di Sector Primario, mr. Geoffrey Wever, a tene un reunion fructifero cu United Farmers Aruba (UFA), bou di liderazgo di señor Diego Acevedo. E organisacion ta representa un grupo creciente di agricultornan local, horticultornan y productornan innovativo cu ta dedica nan mes pa fortifica e sector primario di Aruba.

E meta di UFA ta alinea directamente cu e vision di Minister Wever, cual ta pa fortalece e sector primario y duna un bos cla y unifica na agricultornan di Aruba. Actualmente, UFA ta conta cu mas di 40 miembro, entrenan tin cultivadornan di mata di fruta, syntropic farmers, productornan di “mushroom”, y horticultornan, un grupo diverso cu ta traha hunto pa logra un produccion alimenticio mas sostenibel y resiliente pa nos isla.

Desafionan ta conoci, awo mester enfoca pa treve solucion. Durante e reunion, Minister Wever y UFA a reconoce cu hopi di e desafionan den e sector agricola ta existi ya pa hopi aña. Ademas, e clima di Aruba ta presenta obstaculonan adicional, motibo pa cual sosten structural di institucionnan gubernamental ta sigui ta esencial.



UFA tambe a muestra interes den e proyecto Agri-Innovation Park (AIP). Minister Wever a aclara cu e AIP ta un iniciativa abiertamente inclusivo, disponibel pa tur agricultor cu tin deseo pa participa, pero a enfatisa cu esnan cu ta traha for di e AIP tambe lo haya sosten den e plan nacional pa fortifica e sector primario.

UFA, den nomber di su miembronan, a pone dilanti e siguiente topiconan importante:

- Acceso na tera agricola y modernisacion di e ley di huurgrond;
- Acceso y calidad di awa pa produccion alimenticio;
- Fortalece e sosten tecnico for di Santa Rosa

(DLVV);

- Conectividad electrico y costo di energia;
- Proceso aduanero pa maquinaria y tecnologia agricola;
- Acceso na mercado y proteccion pa producto local.

Minister Wever a confirma cu e puntunan aki ta completamente den linea cu e prioridadnan di su ministerio, y a destaca cu su enfoque ta pragmatico y dirigi riba resultado — no riba estudio, sino riba medidanan cu tin impacto directo y visibel pa agricultornan.

Aunke e tema di tera y regulacion di huurgrond ta cay bou di responsabilidad di otro ministerio, Minister Wever a enfatisa

su disposicion pa traha hunto cu su coleganan ministerial pa busca solucion structural pa e desafionan identifica.

“Nos tin hopi aprecio pa e trabou cu United Farmers Aruba ta haci pa uni nos agricultornan y pa duna nan un bos fuerte,” segun Minister Wever.

“E desafionan cu nan a pone riba mesa ta real, y nos ta compromete pa traha hunto pa logra mehoracion sostenibel — cu mas accion.”

Hunto pa un sector agricola resiliente y sostenibel. E reunion ta representa un paso mas den e colaboracion estrecho entre gobierno y comunidad agricola. Hunto cu organisacionnan

manera United Farmers Aruba, e ministerio ta sigui traha pa fortalece seguridad alimenticio, stimula innovacion, y sigura un futuro sostenibel pa nos sector agricola.

E esfuerso aki ta parti integral di e Programa di Gobernacion AVP-FUTURO 2025–2028, cu ta pone enfoca riba reforsa e sector primario, desaroyo economico diversifica y autonomia alimenticio pa Aruba.

Bou di liderazgo di Minister Wever, e ministerio ta sigui crea un ecosistema agricola moderno, productivo y solidario, caminda colaboracion, innovacion y sostenibilidad ta bay man den man pa bienestar di nos pais y su ciudadanonan.

CU SOSTEN DI METACORP N.V. 131 ARUBA TA ORGANISA GET THE MESSAGE

Ariba 20 di november na aña 1999 tawata e prome biaha cu un mucha aki na Aruba a marca e number 131, y a ricibi informacion, sosten emocional y/ of conseho di 131. Ariba dia 20 di november, cu ta tambe e dia Internacional di derecho di mucha, 131 Aruba ta celebra 26 aña di existencia. Decuadro diecelebracion di dia Internacional di derecho di mucha, 131 Aruba conhuntamente cu MetaCorp ta organisa ariba 20 di November Get the Message. Na momento cu un persona sa su derecho, e sa tambe cu un otro persona tambe tin derecho. E sa cu su derecho ta caba caminda esun di un otro ta

cuminsa. Pa medio di conocimiento tocante di derecho, e ta siña di respeta, yuda y biba den harmonia cu otro personanan. Pa medio di Get the Message, alumnonan di Colegio Nigel Matthew ta ricibi conocimiento tocante derecho. Ariba dia 20 di november binidero e alumnonan di eerste klas di Colegio Nigel Matthew, lo mira, analisa y dialoga tocante diferente short movie cu ta trata diferente derecho di mucha. Nan lo elabora ariba diferente derecho di mucha y analisa e situacion actual tocante e derecho aki na Aruba. Algun di e derechonan cu lo ser trata ta: articulo 2, 4, 5, 6, 7, 15, 22, 23 etc. MetaCorp ta haya di sumo importancia pa celebra e dia aki y pa inverti hunto cu 131 Aruba den conocimiento di nos muchanan. Get the Message lo tuma lugar ariba dia 20 di november di 10:00 am pa 11:30 pm na The Movies @ Gloria. Tambe e alumnonan lo ricibi un treat ariba e dia aki for di MetaCorp. Den preparacion pa 20 di november, e alumnonan di Colegio Nigel Matthew a ricibi un workshop tocante derecho di mucha. E workshop tawata pa engrandec

e conocimiento di e alumnonan tocante derecho di mucha, y asina nan ta mihor prepara pa Get the Message. Banda di Colegio Nigel Matthew lo tin 7 scol basico y secundario cu lo ta participando na Get the Message for di nan klas via di e youtube channel di 131 Aruba. De cuadro di esaki, docentenan di e scolnan aki a ricibi training pa por guia e dialogo. 131 Aruba kier a gradici MetaCorp N.V. y otro partnernan cu ta tuma nan impacto social na serio y ta inverti den e muchanan y hobenan di Aruba. Un gradicimento ta bay na Setar N.V., Aruba Airport Authority N.V., WEB Aruba N.V., The Salamander Group, Aruba Hotel and Tourism Association, Telearuba, Marriott Resort Aruba, Vacation Aruba.com, New India Assurance, N.V. ELMAR, The Movies y MetaCorp N.V. cu ta haci hopi trabao di 131 Aruba posibel. Pa mas informacion tocante Get the Message por tuma contacto cu 131 Aruba via nos website: 131.aw, facebook: https://www.facebook.com/aruba.131/, email: 131aruba@gmail.com of telefon 5886138/ 5884011.



Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com		
Resultado: Sorteo di Anochi - November 06, 2025		
 Sorteo # 8693 3459 5312 4786 X2 Sorteo # 7737 1297 FP Sorteo # 2442 1714 Sorteo # 6496 4525 Piscis Sorteo # 1426 036 FP	 Sorteo # 2642 0 x Jackpot 0 x Match 4+ 3 x Match 4 212 x Afl. 12.00 Sorteo # 7000 0 x Jackpot 11 x Match 4 174 x Afl. 8.00 Sorteo # 0 x Jackpot 0 x match 4 0 x Afl. 500.00 0 x Afl. 50.00 0 x Afl. 15.00 Afl. 585.000,- Sorteo # 	01-02-26-27-33 Joker 22 Letter C Proximo Jackpot 250.000,- 05-09-10-13-20 Proximo Jackpot 54.000,- Mega Ball Proximo Jackpot 425.000,- Afl. 585.000,-

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com		
Resultado: Sorteo di Merdia - November 06, 2025		
 Sorteo # 4795 4444 3259 6518 X2 Sorteo # 4795 0648 FP Sorteo # 2851 3561 Sorteo # 4795 3855 Cancer Sorteo # 1669 220 FP	 Sorteo # 0 x Jackpot 0 x Match 4+ 0 x Match 4 0 x Afl. 12.00 Sorteo # 0 x Jackpot 0 x Match 4 0 x Afl. 8.00 Sorteo # 0 x Jackpot 0 x match 4 0 x Afl. 500.00 0 x Afl. 50.00 0 x Afl. 15.00 Afl. 585.000,- Sorteo # 	250.000,- Joker Letter Proximo Jackpot 250.000,- 54.000,- Proximo Jackpot 425.000,- Afl. 585.000,-

Minister Geoffrey Wever

“AGRIFUND” TA DUNANDO EMPUHE REAL NA SECTOR PRIMARIO Y TA FORTIFICA SEGURIDAD ALIMENTICIO DI ARUBA

Oranjestad, 6 november 2025 - Minister di Finansa, Asunto Economico y Sector Primario, mr. Geoffrey Wever, ta contento di mira e impacto positivo cu e proyecto “Agrifund” tin riba e desaroyo di nos sector primario, dunando resultado concreto.

E “Agrifund” di Afl. 3 miyon, ehecuta door di Ministerio di Economia y mamnehapa Qredits Aruba a demostra cu resultado concreto su impacto directo riba productornan y agricultornan local, cu ta haya sosten financiero y guia profesional pa expande y modernisa nan operacion y produccion.

Un paso firme pa fortalece nos sector primario E proyecto “Agrifund” ta un iniciativa conhunto entre e Ministerio di Finansa, Asunto Economico y Sector Primario y Qredits Aruba, cu tin como meta pa stimula inversion di nos productornan y agricultornan chikito y mediano den makinaria, infraestructura y metodo di

produccion eficiente.

Door di e producto financiero “Agriloan”, productornan y agricultornan a logra tuma pasonan concreto pa aumenta nan capacidad productivo y haci nan operacion mas sostenibel.

“Nos prioridad ta pa fortalece e base di nos produccion local. E programa ‘Agrifund’ ta un ehempel concreto di con un vision combina cu bon colaboracion publico-privada por crea oportunidad real pa nos productor- y agricultornan y pa Aruba bira mas independiente den su suministro di alimento,” Minister Wever a expresa:

Evidencia di progreso y compromiso Recientemente, Minister Wever y Sra. Nathaly Harms, Branch Manager di Qredits Aruba, a bishita algun di e productornan cu a participa den e programa, entre otro Pok Pok Aruba, Pestana Ranch, Watapana Farm y Cluck Eggs and Poultry Supply.

Durante e bishita, e productornan a muestra e progreso y resultado di e inversionnan implementa den nan empresa, demostrando con acceso na recurso financiero por cambia positivamente nan capacidad productivo.



“E programa ‘Agrifund’ ta muestra con, door di acceso husto na credito y guia profesional, nos por crea un cambio structural den sector primario,” segun Minister Wever.

Financiamiento accesibel pa crecimiento sostenibel Pa empresarionan di sector primario cu ta dificil pa ricibi un prestamo for di un banco, minister Wever hunto cu Qredits a crea pa prome biaha un “Agrifund” di 3 miyon florin. Prestamonan (“Agriloan”) lo wordo financia cu e fondo aki. E producto “Agriloan” ta un prestamo te cu Afl. 200.000, diseña pa empresarionan nobo y existente den sector primario, cu un interes reduci di 2%.



“Nos ta sigui crea un ecosistema den cual e sector primario ta bira un fuente di innovacion, empleo y orguyo nacional. E programa ‘Agrifund’ ta conecta directamente cu e meta di Gabinete AVP-FUTURO, pa un economia mas diversifica y sostenibel”, segun Minister Wever.

Yamada pa aplica Ministerio di Finansa,

Asunto Economico y Sector Primario, hunto cu Qredits Aruba, ta invita tur persona activo den sector primario, productornan y agricultornan chikito y mediano cu tin deseo di inverti of expande nan negoshi, pa aplica prome cu fin di 2025, mirando cu ainda tin mas o menos Afl. 1 miyon cu por wordo duna na prestamo. Minister Wever: “No perde e oportunidad aki”.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

SAMENWERKING OM STUDIESUCCES CARIBISCHE STUDENTEN TE VERGROTEN KRIJGT VERVOLG

Van meer begeleiding bij studiekeuze tot stage- en studie-uitwisselingen. Het Strategic Education Alliance (SEA) programma is een belangrijk initiatief tussen overheden en onderwijsinstellingen van Aruba, Curaçao, Sint Maarten en Nederland. Het wil in het Caribisch deel van het Koninkrijk de overstap naar vervolgonderwijs makkelijker maken en studenten beter voorbereiden op een studie in Nederland of elders. Vandaag is dit programma om het studiesucces van Caribische studenten te vergroten, verlengd tot en met 31 december 2028.

Dat is een van de afspraken die is gemaakt tijdens het Ministerieel Vierlandenoverleg OCW (M4LO) op Bonaire. Jaarlijks ontmoeten de ministers van onderwijs, cultuur en wetenschap van Aruba, Curaçao, Sint Maarten en Nederland elkaar tijdens M4LO. Nederland vertegenwoordigt tijdens dit overleg ook Bonaire, Sint Eustatius en Saba.

Minister Moes: "We willen alle talent in ons koninkrijk ten volle benutten. Samen met mijn collega-ministers uit de andere drie landen van het Koninkrijk hebben we de afgelopen jaren hard gewerkt aan meer samenwerking tussen de Caribische regio en



Nederland op het gebied van onderwijs, cultuur en wetenschap. Met succes. Zo is in Nederland en op de eilanden een stevig netwerk van docenten, begeleiders en ondersteuners ontstaan die jongeren uit het Caribisch deel van het koninkrijk ondersteunt bij het maken van de juiste studiekeuze en het ontwikkelen van hun talenten."

Het SEA programma biedt onder meer koninkrijksbeurzen voor studenten op MBO-, HBO- en WO-niveau voor studie-uitwisseling of stage in een ander deel van het Koninkrijk der Nederlanden. Zij worden ook beter begeleid. Hogescholen en MBO's

in Nederland werken bijvoorbeeld in het SEA programma samen om de in- en doorstroom van Caribische studenten te verbeteren. Steeds meer hogescholen en MBO-instellingen hebben inmiddels speciale introductiedagen of mentorprogramma's voor jongeren uit het Caribisch gebied. Elk jaar beginnen meer dan 1600 jongeren uit dit deel van het Koninkrijk aan een studie in Nederland.

Verder hebben de ministers besloten om met onderwijsinstellingen te gaan samenwerken voor het bevorderen van braingain (behouden en terughalen van talent). Doel is om jonge mensen

te interesseren voor werk op het Caribisch deel van het Koninkrijk om zo arbeidstekorten tegen te gaan.

Een andere stap in het versterken van het onderwijs in het Caribisch deel van het Koninkrijk is de uitbreiding van het succesvolle samenwerkingsverband "Kibrahacha". Dit programma richt zich nu nog op de opleiding van leraren voor het primair onderwijs op Aruba, Bonaire en Curaçao. Daar komen binnenkort ook lerarenopleidingen bij voor het voortgezet onderwijs en middelbaar beroepsonderwijs.

Ook onderzoeken Sint

Maarten en Nederland of een soortgelijk initiatief op de Bovenwindse eilanden kan beginnen. Kibrahacha combineert de traditionele lerarenopleiding met praktijkervaring in de klas. Schoolopleiders spelen een belangrijke rol bij het begeleiden van toekomstige leraren op de werkplek.

Tot slot is tijdens het M4LO een procedure vastgesteld voor gezamenlijke nominaties voor de UNESCO-lijst Immaterieel Erfgoed namens het gehele Koninkrijk.

Het ambacht van de molenaar, de corsocultuur en het zomercarnaval in Rotterdam staan al op deze lijst namens Nederland.

LITTLE LEAGUE ARUBA SELECCION U8 TA RUMBO PA PUNTA CANA, SANTO DOMINGO

Diaranson, november 5, 2025 nos peloteran di Little league Aruba seleccion U8 a sali rumbo pa Punta Cana pa representa Aruba den e competencia internacional “Big Boys 2025” na Punta Cana.

Aruba lo wordo representa pa 14 pelotero den e categoria U8 Little League Aruba. E seleccion ta consisti di diferente ekipo di Central League incluso peloteran di RedMachine, Sabana Grandi Jets y Stars Aruba, tambe peloteran cu tawata forma parti di Rockets anteriormente pero actualmente ta forma parti di ekipo Grasshoppers, y sin laga afor dos pelotero di e ekipo di Brazil Hawks.

Despues di un campeonato di Little League bastante fuerte, unda cu hopi di e peloteran a bataya contra otro, awe ta subi vuelo hunto cu un solo meta, pa representa Aruba den grandi. Eteam di Aruba ta consisti di Aiden Tromp, Yermaine Croes, Aiden Rodriguez, Clint Westerburger, Xyfer Stamper, Brayden Briesen, Axl Wester, Kai Wever, Samuel Arias, Eduard Flanegin, Zhaér Thompson, Siegmar Schwengle, Elijah Browne y Dayson Dreischor.

E ekipo aki ta wordo maneha door di Manager Eddy Flanegin (Sabana Grandi Jets) cu sosten Coach Marwin Briesen (RedMachine), Arsan Wester (Sabana Grandi Jets), Jair Thompson (RedMachine) y

Ciriac Tromp (Grasshoppers). Den nomber di peloteran, nos kier a gradici e pueblo di Aruba cu a sostene e ekipo aki den gran forma incluso sosten di: Lotto pa Deporte, Kini Kini Tours, AAA, Dominos Aruba, Pelican Adventures, AHATA,

Elmar, Little Island Media, Ennia, Centrale Bank van Aruba, Giannis Group, HCC, JM Leasing, GloboPay, Proframe, WindCreek Aruba, NAPA, Printshop N.V., Grant Thornton, HOH, Quality Chiropractic Clinic, Hot Delight Aruba, De Wit & VanDorp, Aruba

Aloe y ATA. Y alavez un danki special na Garage Centraal Aruba Hyundai. Lo por sigui e pagina nan social di e ekipo pa asina keda informa na Aruba Little League U8 Seleccion Team 2025



SELECCION LITTLE LEAGUE U8

TEAM ARUBA

 #02 AIDEN TROMP	 #03 YERMAINE CROES	 #06 AIDEN RODRIGUEZ	 #08 CLINT WESTERBURGER	 #09 XYFER STAMPER
 #10 BRAYDEN BRIESEN	 #11 AXL WESTER	 #12 KAI WEVER	 #14 SAMUEL ARIAS	 #17 EDUARD FLANEGIN
 #23 ZHAÉR THOMPSON	 #27 SIEGMAR SCHWENGLE	 #44 ELIJAH BROWNE	 #99 DAYSON DREISCHOR	
 MANAGER EDDY	 COACH MARWIN	 COACH ARSAN	 COACH JAIR	 COACH CIRIAC

SOPI DI LETRANAN

U D D U L C E S H P D C M X M S C P T Y
M A S C A R A E I S U Q B O O K M S H G
R K H R C Y G G H W L F C S N F J P E U
C A L A B A Z A Q F T M I F S F W U C O
E S Q U E L E T O F Y U O P T H I U H W
S T R A G N Q S Q X B E B U R K X I I J
V G R Q F H K W O R G R R T U M B A Z O
Y F R L A D T Y M O G T U K O P X G O E
V X L N N I R L O D N E J M S H O A U N
T Q R A T S U F T X N C A C E Y J T A O
V V J J A F C B P I H K P C O V W O G U
L J W O S R O G U L R U Z P H F D E M R
N T X B M A C H T L L U X H F U Z U A N
Q K X J A Z V Y V A M P I R O I M U G Q
V G S C X D M I E D O Z Q M B K C E I E
A R I Y A C Z I Z Z J L H L C D W C A N

1. BRUJA

2. ESQUELETO

3. DISFRAZ

4. MASCARA

5. MIEDO

6. TUMBA

7. MAGIA

8. MONSTRUO
9. TRUCO

10. FANTASMA

11. HECHIZO

12. DULCES

13. MUERTE

14. CALABAZA

15. VAMPIRO

16. GATO

SUDOKU

	6	3		8		4		
	9				4			7
4				2				
		7	2		3		5	8
	5			4				
		8				2		4
6						7		
		5		3	6			
	3		8	7			2	6

				8			9	2
4					7	6		
	6		3	2				
							5	
	9				4		2	
3	1					7		
2			8		3	1		
				4	1	9	3	
				6				5

				7	8		4	
	7				5			3
1	4		6					
		5		8		2		
	3				4		7	
	6							5
						8	5	
				6	2			
9		6	5		3			

Oracion di dia

UN FELIZ DIA BENDICIONA YENA CU GRACIA DI DIOS

”Lo Bo ta sacerdote pa semper na e mesun manera cu Melkisedec.”
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta difcil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion:Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.

Amen

DAKOTA IN BLUE



Un bunita campaña semper ta cuminsa cu un simpel idea y iniciativa di un of mas persona. Den e caso aki, 131 Aruba a tuma e iniciativa y a manda S.V. Dakota un invitacion pa participa den un campaña en conexion cu N.V. ELMAR, pa promove conscientisacion di e derechonan di mucha y salud mental bou di nos muchanan y hobennan. E proyecto aki a haya e nomber di 'Dakota in Blue'. E campaña 'Dakota in Blue' ta enfatisa e importancia di salud mental, specialmente entre hobennan masculino, mirando datos di estudio y literatura Internacional, unda ta indica cu principalmente hende

homer tin mas dificultad pa busca ayudo pa problemanan di salud mental. Un tema cu S.V. Dakota sigur tin na pecho pa bienestar di su miembronan y tur hende rondo di nan. S.V. Dakota ta un organisacion deportivo caminda 200 mucha homber y mucha muher ta practica deporte. For di inicio di e organisacion (1947), S.V. Dakota ta hunga den su colornan tradicional cu ta geel cu preto. Pero pa e luna di november 2025, S.V. Dakota ta cambia su colornan geel cu preto pa e color blauw. 'Dakota in Blue' ta encera cu S.V. Dakota division di honor y U20 lo hunga den uniform color blauw den e

luna di november, cu ta e color oficial di derechonan di mucha y di N.V. ELMAR. S.V. Dakota ta sumamente contento di por forma parti di e colaboracion entre 131 Aruba y N.V. ELMAR y asina hunto conscientisa e comunidad di Aruba tocante salud mental y mas importante, unda y con pa busca ayudo. Den mesun rosea, S.V. Dakota ta manda felicitacion pa 131 Aruba cu ta cumpli 26 aña invertiendo den nos muchanan y hobenan di Aruba y pa N.V. ELMAR cu ta celebrando 75 aña iluminando Aruba. S.V. Dakota ta gradici su sponsornan APEX, Fast Delivery Services, Café the Plaza,

Gravenstijn-Marchena Attorneys at LAW, Solid Solutions, Amast, PKF, Innova, Mr. Exhaust Repairs, Car Quest Auto Parts Aruba y KIA pa kere y inverti den e muchanan y hobennan y asina hunto crea un ambiente saludabel pa un y tur. Pa mas informacion

tocante e campaña di conscientisacion 'Dakota in Blue', por tuma contacto cu 131 Aruba via nan website of medianan social. Si bo kier conoce nos organisacion mas di cerca, por check nos Facebook: <https://www.facebook.com/sportverenigingdakota>.

Clasificados



SOLODIPUEBLO@GMAIL.COM

CEL.585 9500